

Kõkõbì ìrì ní
Yūwánī
ní sǐ rǐ
Tǎ búkū rǐ vé rǐ ǎ ũlũngará

Yūwánī Yésū vé 'bá áyúáyū rǐ sǐ kőkõbì 'dĩri sēé 'bá kǎnísǎ vé rǐ pi ní, kǎnísǎ 'dĩri Yūwánī zì rú ní "ũkú Múngú ní ìpēé rǐ". Yūwánī ri ẹzì ngaá kǎnísǎ 'dĩri agá nǐ. Ũlũ 'bá rǐ pi ní tǎ Yésū ní 'yoó, kòpì ǎ lěkí ì lělé rǐ vé tǎ. 'Yo kòpì ní kǐnǐ, lě tǎ áda Kúrísítõ vé 'bá ụrụkọ'béé ní ríí ímbá, ǎzini tǎ 'bá ụrụkọ'béé ní ríí ímbá ùnjõ rú rǐ, lě kòpì ǎ ámakí ǎsámvú ní múké múké.

¹ Ma Yūwánī 'i, 'bá ǎmbúgú 'bá Yésū ri ẹ'yì' 'bá gí rǐ pi drǐlé gá rǐ. Mí ũkú Múngú ní ìpēé 'dĩri, á sǐ kőkõbì 'dĩri sēé mí ní, mívé anjì Múngú ri nǐ' 'bá rá rǐ pi be. Ádarú á lě ìmi ǎrēvú céré lělé, 'bo adri 'yozú kǐnǐ, á lě 'yéná ìmi ọ'dùkùlẹgúsǐ nǐ kuyé, 'bá céré Múngú vé tǎ áda rǐ nǐ' 'bá rá rǐ pi lěkí ìmi lělé. ² 'Bá lěkí ìmi, ǎ'diātāsīyǎ tǎ áda rǐ nóni 'bá ẹsì agá anigé, ìri adri 'bá ẹsì agá mụzú nyonyo.

³ Ẹsì múké, ẹsì ìdríkídri, ǎzini tǎkírì Ẹtẹpì Múngú vé rǐ, ǎzini Mvọpì Yésū Kúrísítõ vé rǐ, ǎ adri 'bá be, ǎ sē rí 'bá 'okí rí tǎ áda Múngú vé rǐ, ǎzini 'bá lěkí rí ǎngũ lělé.

⁴ Má kǎ yì kǐnǐ, anjì mívé rǐ pi ǎ ụrụkọ'béé ri tǎ áda 'bá Ẹtẹpì ní ẹzì rǐ 'dụ nga rá, ǎyĩkõ fụ ma ǎnì ambamba. ⁵ Mí ũkú Múngú ní ìpēé má ní lělé rǐ, tǎ má ní sǐ sēé ìmi ní mívé anjìná rǐ

pi be 'dĩri, adri tã ãzi ú'dí ni kuyé, ĩri tã 'bá ní nĩ rá í'dóngará gá 'dãá ni. Á lē lūú ĩmi ní 'dĩni, lē 'bâ lēkí 'bâ lēlē. ⁶ 'Bá rĩ 'dụ dō tãĩmbĩ Múngú vé rĩ ngaá rá, 'dĩri lū 'yozú kínĩ, 'bá 'dĩri lēngará be. Sâ ĩmi ní í'dózú Yēsũ Kúrísítō ri ẹ'yĩzú rĩ gé 'dãá, ĩmi yíkí rá Múngú kínĩ, lē ĩmi lēkí ĩmi lēlē ĩmi ọgũpĩjĩ be.

⁷ 'Bá kárakará mị ũ'bã'bée ni pi ayikí mužú nyọọkú rĩ drĩgé sĩ 'dĩ'dĩ, kọpi ri 'bá rĩ pi ímbá mužú ũnjō sĩ, kọpi kínĩ, tĩkí Yēsũ Kúrísítō ri nyọọkú drĩgé nōgó 'bá áda rú kuyé. 'Bá 'dĩni 'dĩ'bée, kọpi ũnjó rú, kọpi ari'ba Kúrísítō vé ni.

⁸ ĩmi adrikí mị be kowu tã 'dĩri sĩ, ẹzĩ Múngú vé ĩmi ní ngaá 'dĩri, ã drã rí kána ku, Múngú ã ũfē rí ãndēma ĩmi ní ẹzĩ rĩ ngazú rĩ pi ãrēvú céré.

⁹ Lē 'bá ãzi ã újã tã Kúrísítō ní ímbá rĩ ũlūú ũ'dũ be túngú ku, ĩri sē Múngú ri 'bá rĩ adi ãní 'í drĩgé sĩ rá. 'Bo 'bá rĩ áwí dō tã Mvọpị ní ímbá rĩ ruú títĩ, Ẹtẹpị pi Mvọpị be, kọpi adri ĩri be trú. ¹⁰ 'Bá ãzi ífí dō ĩmi ãsámvú gé, ímbá dō tã áda Kúrísítō vé rĩ kuyé, lē ĩmi ẹ'yíkí ĩri ĩmivé ãngá ku, dōku ẽ ẹzikí ĩri ku. ¹¹ 'Bá rĩ ẹ'yí dō 'bá 'dĩni 'dĩri ãkã, ĩri fi ũnjĩkãnyã 'bá 'dĩri ní 'oó rĩ 'o ĩndĩ.

¹² Ma tã be tré, á lē lūú ĩmi ní, 'bo á lē tã rĩ sĩ sē kọkọbĩ agá ku. Má ũsũ, á lē mužú ĩmi vúgá 'dĩlé ú'díkírĩṅã nōgó, 'bâ úmúkí rí 'bâ ĩmi be, 'bá átákí rí trú, 'bâ 'bãkí rí ãyĩkō ĩmi be trú.

¹³ Mí ọmvúpị Múngú ní ịpěé rĩ vé anjĩ Múngú ri nĩ'bá rá rĩ pi, sēkí mí ní mōdó.

U'dúkọ Múké Múngú vé rị
Keliko: U'dúkọ Múké Múngú vé rị New Testament+
copyright © 2017 Wycliffe Bible Translators, Inc.

Language: (Keliko)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022

14717198-957a-524c-b31f-2c3197945b20